



COMUNE DE ULA  
Provintzia de Aristanis  
Pratza Italia, 1 - 09080 Ula  
C.F. 0007051953 Tel. 0783 61000 – Posta eletrònica: [sociale@comune.ulatirso.or.it](mailto:sociale@comune.ulatirso.or.it)

---

Allegadu a sa determinatzione de su Responsàbile de su Servìtziu n. 39 de su 08/07/2020

Bandu pro sa cuntzessione de su rimborsu de sas ispesas de biàgiu in favore de sos istudiantes pendulares de s'iscola segundària superiore, residentes in su Comune de Ula.

### **SU RESPONSÀBILE DE SU SERVÌTZIU DE S'ÀREA AMMINISTRATIVA – SETORE SERVÌTZIOS SOTZIALES**

In esecutzione de sa lege regionale n. 31 de su 25 de làmpadas 1984, art. 7, let. a) e modificatziones e integratziones fatas a pustis e cunforma a su Regulamentu Comunale pro s'assignatzione de su contributu a sos interessados aprovalu cun deliberatzione de su Consìgiu comunale n. 36 de su 25/11/2005;

### **FAGHET PÙBLICU**

chi dae sa data de publicatzione de custu bandu e a intro e no a pustis de **sas 13:00 de su 31 de trìulas 2020**, sos interessados podent presentare domanda pro otènnere su rimborsu de sas ispesas tentas in s'annu iscolàsticu 2019/2020.

#### **Destinatàrios**

Sos destinatàrios de s'interventu sunt sos istudiantes pendulares residentes in su Comune de Ula, iscritos e chi frequentant sos istitutos de istrutzione segundària superiore e artìstica e sos cunservadòrios musicales, pùblicos o privados, custos ùrtimos bastis chi abilitados a dare titulos de istùdiu vàlidos pro s'Istadu. Sunt esclùdidos sos cursos de formatzione professionale.

#### **Determinatzione de su contributu commisurato**

Su rimborsu est pro sas **ispesas tentas a beru e chi si podent documentare** dae parte de sos rechedentes e at a èssere atribuidu cun protzedura concursuale. Sa graduatòria at a èssere aprontada dae su responsàbile de su servìtziu cunforma a sos critèrios de su regulamentu aprovalu dae su Consìgiu Comunale. Su rimborsu at a èssere valutadu cunforma a s'ispesa netzessària pro l'òmpere a s'iscola prus acanta de su tipu de cussa frequentada dae s'istudiante. Su rimborsu de sas ispesas tentas dae sos alunnos pro biàgios cun mezu privadu at a èssere possibile si su trasportu pùblicu mancat o no est bastante e s'importu de su rimborsu atzetadu at a èssere uguale a cussu de su mezu pùblicu. Non sunt ammitidos sos rimborsos pro ispesas de biàgiu pro andare a Istitutos foras de su territòriu regionale.

Ca no est bastante su trasportu pùblicu cheret nàrrere: ca no est bastante su nùmeru o sa capatzidade de sos mezos chi biàgiant in sos percursos interessados, pro sos oràrios de sos servìtzios chi portant a ritardos mannos e documentados de sos alunos cunforma a s'oràriu iscolàsticu o de abarrare ora meda foras dae s'iscola in antis o a pustis de sas letziones.

Cunforma a s'ISEE presentadu dae ogni istudiante sunt istabilidas tres partziduras:

<b>Partzidura</b>	<b>Rèdditu ISEE</b> (Indicadore situatzione econòmica ecuivalente)	<b>Coefitziente atribuidu</b>
1°	Fintzas a èuros 6.000,00	1
2°	Fintzas a èuros 12.000,00	0,9
3°	Pro importos superiores a èuros 12.000,00	0,8

A sas tres partziduras sunt assignados coefitzientes pròpios de multiplicare a su totale de sas ispesas tentas dae ogni istudiante. Sa tzifra gasi otenta at a dèpere èssere multiplicada pro sa pertzentuale de cobertura de su fundu totale a disponimentu cunforma a su totale de sas ispesas de biàgiu ammissibiles. S'importu otentu at a èssere cussu ispetante a ogni istudiante.

#### **Summa a disponimentu**

Pro assignare su contributu a sos chi nde tenent diritu sa summa cumplessiva a disponimentu pro s'annu iscolàsticu 2019/2020 est de € 10.000,00 de leare in contu in su capìtulu n. 10450508, articulu 1 de su bilanzu de previsionu pro s'esertzìtziu finantziàriu 2020.

#### **Iscadèntzia pro presentare sas demandas**

Sa domanda depet èssere presentada, cun sa documentatzione pedida e a manera dèpida cumpilada e firmada in ogni parte sua, a incuru de sos interessados, a s'ufìtziau Protocolu de su Comune de Ula a intro e no a pustis de sas 13:00 de su 31 de trìulas 2020, pena s'esclusione.

#### **Documentatzione de allegare a sa domanda**

A sa domanda de contributu, cumpilada cunforma a s'ischema a manera apòsita aprontadu dae sos ufìtzios comunales, si depent allegare:

- autotzertificatzione chi pertocat sa frecuèntzia iscolàstica;
- documentatzione chi atestat sas ispesas tentas a beru: abbonamentos de biàgiu chi pertocant s'annu iscolàsticu 2019/2020 – dae cabudanni 2019 a maju 2020;
- tzertificatzione ISEE de su nùcleu familiare in cursu de valididade;
- fotocòpia documentu identidade, in cursu de valididade, de su rechedente.

Àteras informatziones e crarimentos si podent pedire a sos ufìtzios de su Servìtziu Sotziale Comunale in custas dies: lunis(a mangianu), martis (a mangianu e a sero) e chenàbura (a mangianu ebbia).

Ula, su 08/07/2020

Su Responsàbile de su Servìtziu  
Ovidio LOI

(MM)